



TIPAKURTUQNAITTUQ HAVAKVIK

(Tipakuq tamnalu Aangayarnartuq Nauhimayuq)

PIYUTA

1. Tapkuat Kavamatkut Nunavut (GN-kut) ilittugiyai tapkuat aaniaqtailiniqmum hivuganaqnit piqatai tapkuat higarniq havavikmi; taimaittumik, tapkuat GN-kut pipkalaitai tapkuat atuqtauni tipakuq uvaluniit aliahutaukaphukni aangayarnartuq nauhimayuq, kituniliqak hanahimanit, havaktinit uvaluniit quyagitnaq inungnit kituniliqak GN-kut havavkini.
2. Havaktit pilaqtitauyut taphumanga laisataqhimayuq Taakti uvaluniit Munaqhi Havaktiuyuq pihimanik atuqniniklu aangayarnartuq nauhimayuq havautigiplugit piplugit pipkagaulat tuhaqhitpagu kamayigyaqtik hivuani atuqninut taimatut pilaqtitauni ihuaqhaqnit piyakhai.

INUIT INUUHINUT PINNAGIYAI (ISV) HIVULIGUTIT IHUMAGIYAUNI

3. Una Tiliugut hivuligutauyuq tahapkunanga pinnaginyauninit nigiuguyaunilu :
 - **Pijitsirniq:** *kivgaqtuiniq piqaqtitiniqlu ilaginut tamnalu/tamnaluniit nunaliuyunut* – tapkuat GN-kut atuqpiagahuat ikayurtuqninik Nunavummiut, tamna aaniaqtailiniq hivuganaitniqlu atuni havaktinut pulaqtunutlu tapkununga GN-kut havavianut pityutauyuq tahapkuat tamaita havaktit ikayuqni pipkagahuaqni pivaliatitpalliqni hakugiktumik, aaniaqtailiniqmik nunaliuyut;
 - **Inuuqatigiittiarniq:** *upigini ahiiit, piqatigiyat munaginilu inungnik* – GN-kut havakti havagialgit havagiyamingnik pittiaqlutik havagitiaqlugitlu piplugit upiginilu aaniaqtailini, piyaqaqni pinnaginyaunilu havaqatiktik tapkuatlu GN-kut pulaqtii; tamnalu
 - **Avatiptingnik/Munarittiarniq:** *upigini munaginilu nuna, angutikhat avatigiyayutlu* – higarnaittuq havavik pihhimayuq hapuhimaninik tahamna hilap nakuunia tapkuat GN-kut havavkit hapuhimanilu tapkuat aaniaqtailini, hivuganaitni, niamngiyaqni havaktit, Nunavummiut tapkuatlu GN-kut pulaqtii.

ATUQTAUNIA

4. Una tiliugut aturtuq tamaitnut GN-kut havaktit tapkunani GN-kut tapkuatlu inungnut timigiyai tahapkualuttauq kanturaktit havgiyai havat kivgaqtuqhugit tapkuat GN-kut.
5. Una tiliugut piyai tamaita qanugitni tapkuat tipaakut tapkuatlu aangayarnartuq nauhimayuq atuqnit.

UNNIQTUTIT

6. **Aangayarnartuq Nauhimayuq** piplugu una tiliugut piyuq kitunutliqak ilagiya tapkuat aangayarnartuq nauhimayuq nautiaq, hanahiyuq uvaluniit akuhimayuq tamna piqarnia kitutliqak aangayarnartuq nauhimayuq uvaluniit kitutliqak hanahimayuq tapkuat aayyikkuta tapkuat avugiyauttaqtuq piqaqnit tapkunani aangayarnartuq nauhimayuq. Ilagiaqninut tuhagakhat tapkununga taihimayut piqaqnit tapkuat maligaqtigut unniqta Aangayarnartuq Nauhimayuq takulugu tamna *Aangayarnartuq Nauhimayuq Piquyat*.

7. **Aangayarnartuq Nauhimayuq Ihuaquta** ilaqlaq kihimiungittugaluaq imuhiniq higakhat uvaluniit imuyat, tigumitai, paipait, imalgit paipait, hiluqtaut hiluqhityutitlu tapkuat atuqtauyut atuqninut aangayarnartuq nauhimayuq uvaluniit huna tamna atuqtauyuq hanayauninut aangayarnartuq nauhimayuq piplugulu una tiliugut, pihimani naunaittut aangayarnartuq nauhimayuq tippinga.

8. **Aangayarnartuq Nauhimayuq Atuqnia** piplugit ukuat tiliugutit tukilik kitutliqak piyauni quyagitnaq hanahimani aangayarnartuq nauhimayuq hiluqtauyut, atuqtauyut, higaqtauyut uvaluniit ahiagut piyauni inminut uvaluniit inuup timinganut, kihimik ilaqangittut havautigyauninut aangayarnartuq nauhimayuq atuqtauni malikhugit tiliugutai pilagutilgup havautigyauninut uvaluniit havautauninut pilaqtituyut.

9. **Alguyartuqtut Higaat** tapkuat alguyartuqtut higagutit ilihimayaukmiyt alguyartuqtut nicotine atugautai havagutit (ENDS-ngi), imaqtutit paipait, hiluqtuuityutit hunat, e-higaat, e-higaqyuat, e-hiluqtugat, hiluqtugat titigautit, e-naimauqhaut, e-paipait ahiilu, tahapkuat hanatyuhiolgit pilaqtitninut atuqtit hiluqhiyangi higarnik, aangayarnartuq nauhimayuq tamnalu/uvaluniit ahii avugiyauttaqtut. Piyai tamatkiknik higat hingangungittutlu hanyaunit.

10. **GN-kut Havakvi** tapkuat tamaita GN-kut aapisi, igluqpait avatanittutlu nunagiya tapkuat havaktit piyuq piniaqluniit havaknia kivgaqtuqhuqit tapkuat GN-kut. Una ilalik, kihimiungittugakuqaq, tamaitnit havakviuyut, ulapqivit, ilihaqvit, katimaviit katimaviuyutlu igluat, inmingnut aapisit, qunmuktautit anmuktautit, pihukviit, havautinut havagutit, kaapituqviit, havaktit unaguirhiqvii, mayugautiqaqvit, anagiartuqviit, GN-kut-nanminigiyai uvaluniit atuqtuagat akhaluutit, tutquqvit inai uviahositlu tamaitalu ahii iluanitvilgit GN-kut havagutai.

11. **Higarniq**, piplugit ukuat tiliugutit tukilik hiluqhiniq higarmik uvaluniit anipkainiq higarmik uvaluniit hiluqtuniq higarmin, higaryuaq, paipak, imaqmun paipak, alguyartuqtuq higaq ahialuniit havagut ikumayuq uunnaktihimayuqluniit tipaakuq piniaqhimayuq higaqtauyukhaq hilugaqtauyukhaqluniit.

12. **Tipaakuq** ilalik higaat, higaqyuat, paipait kitutluliqak ahii higarniqmun hanahimayut; mihugaq, tamautuaq, tamuattuaqaq, tamuahut kitutluliqak hii puyuittut tipaakut hanahimayut alguyartuqtutlu higaat.

13. **Tobaccoipaakuq Atuqtaunia** tukilik higaqnia, tamuattuaq, hilurtuq uvaluuniit ahiagut atuqnia tipaakuq uvaluunit alguyaqturtuq higaat kitunutliqak piplugu.

PIQAGUTAUYUT

14. Higarniq tipaakumik pipkagaulat tapkunani GN-kut taimayay tipaakuqmiq higaqviuyuq, piyalgitlu qanitniqhamik qulaunginnuaqtumik miitat ungahiknit kitunitlitliqak itirtaqviknit/anniviknit havakviuyunit; uvaluniit 15 miitat ungahikni ililhaqviknit.
 15. Aangayarnartuq nauhimayuq atuqtaunia kitunikliqak pilaittuq pipkagaunia tapkunani GN-kut havakvini (ilautitlugit taimayay tipaakumik higaqvit).
 16. Havaktit pihimayutatuqtumik aaniarniqmun aangayarnartuq nauhimayuq pillagutmik tuhaqhitqaqat maniyagiyaqtik tapkuninga havautigiyanganik uvaluniit pilagutmik, qanuqtutlu aturniqtitk havautauyanganik, hivuani aturniahaqlugu havautiginia aangayarnartuq nauhimayuq havavikmi.
 17. Atuqnia havautaunia aangayarnartuq nauhimayuq higaqhugu uvaluniit hilurtuqhugu kihimik pilaqtitayuq tapkunani GN-kut taimayay tipaakuqmiq higaqvit.
 18. Huangakhaqni alguyartuqtut higaat tapkunani GN-kut havakvini pipkagaungittuq.
 19. Aangayarnartuq nauhimayuq ilakhai pilaittut pipkaqni tapkunani GN-kut havavikti tamna naunaittuq aangayarnartuq nauhimayuq tipiqaqat.
 20. Havaktuq huaktauq naunaiqtaukpat atuqnia aangayarnartuq nauhimayuq tahamani GN-kut havaviani. Huaktauniqmun hugiaqtauniq ilaqlalaq huaqtauluni, titiqakut huaqtauluni, nutqangapkaqnia, uvaluniit ahivaqtaunia tamna havakti malikhagumangitpat. Takulugu Havaktuliquit Makpigaq 801: Havakti Huaqtaunia, unniqtuttiaqnitut piplugit tapkuat huaktauniqmun pityuhit.
 21. Pikpat havakti naunaiqtaunia atuqnia tipaakumik tamnalu/uvaluniit aangayarnartuq nauhimayuq tahamani GN-kut havaviani, tamna havakti tamnalu/uvaluniit havaktitiyi pipkagaulaq pipkaqtitaunia akiliqtutitlu tapkunanga Havaktut Hivuganaitni Utqiwiunitlu Kamisan (WSCC).
 22. Tamaita havaktit, ilautitlugit nutat havaktit aulattiyut tahapkunani GN-kut havavikti, tahapkualuttauq quyagitnaq inungni tuhaqhitauyalgit tapkuat tipaakut tapkuatlu aangayarnartuq nauhimayuq atuqtauni kitut=nutliqak hanahimani pipkagaungittut tahapkunani GN-kut havavikti.
 23. Tuhagakhat tipaakumun atuqni pittallitit uqaunyaunitlu nutqagahuarniqmun havagutit havaktinut piyaulaqmiyut tapkunanga Timinga Aaniaqtailiyigiyit.
 24. Tuhagakhat uqaunyaunitlu tapkunanga aangayarnartuq nauhimayuq hivuganaqni mikhigiaqni havaktinut piyaulaqmiyut tapkunanga Timinga Aaniaqtailiyigiyit.
 25. Timiuyut inungnutlu timiuyut atuqpiagtitiagai tapkuat naamaktumik titigaqutit, tapkuat piyaulat tapkunanga WSCC-kut, pipkagaungittut havavikmi tuhaqhitnink havaktit tahapkualtu quyagitnaq inungnut uuminga tiliugutmik.



26. Hingarnut Himmautauyut Ihuaqhautaunit (NRT) higarniq nutqaqtitnia ikayutit pipkagaulat tamaitni GN-kut havakvit. Tahapkuathanahimayut piyaulat uvinikmun nippitaqtut, kuttuit, qaniqmum tingmiktitat, hiluqtautit uqummiatlu.
27. Tamna Minihitauyuq havalik timinganut uvaluniit inungnut tapkuat tamaitnik kamayut Ihuaqhautit Havavikit tapkuatlu Itiqtauvit pipkailat ilangagut atungitninik tapkuat pipkaqninut nuyuqtut tahapkunani havaviuqni atuqninik tipaakuq tamnalu/uvaluniit aangayarnartuq nauhimayuq tapkunani GN-kut piqutaini tapkuat igluqlaup iluaningittuni uvaluniit pittaililiknii malikhugit tapkuat *Aangayarnartuq Nauhimayuq Piquyat* uvaluniit *Tipaakuq tamnalu Higarnaittuq Inait Piquyat*.
28. Tamna havakti tautukpat inungmik atuqtumik tipaakuqmik tamnalu/uvaluniit aangayarnartuq nauhimayuq tahamani GN-kut havaviani, tamna havakti tuhaqhittiyalik kamayiminut taphuminga piyauyumik, tamna hugiaqniaq atuqliagianga tamna atuqtaunia pittailipkaqnianik inaani atuguigia. Takulugu tamna HRM 1006: Imirluk, Aangayarnartuq Nauhimayuq tamnalu Ahii Angayarnautit – Aangayarnaut Atuqnia Havavikni Hivuligutit (Attataqhimayuq A) tatatiqlugulu Aangayarnaut Atuqnia Piyaunia Tuhaqhita (Attataqhimayuq B).

PILAGUTIT NAUNAIPKUTATLU

29. *Tipaakuq Munagiyaunia tamnalu Higarnaittuq Inait Piquyat*
30. *Aangayarnartuq Nauhimayuq Piquyat*
31. *Hivuganaitnit Piquyat*
32. Havaktiliqutit Makpigaq 801: Havakti Huaktaunia
33. Havaktiliqutit Makpigaq 1006: Imirluk, Aangayarnartuq Nauhimayuq ahiilu Angayarnautit, Attataqhimayuq A: Angayaurnaut Atuqnia Havavikmi Hivuligutit tamnalu Attataqhimayuq B: Angayaurnaut Atuqnia Piyaunia Tuhaqhita
34. Havavikmi-taihimayuq Higarnaittuq Inait – Atuqniglit aalatqinut higaqnailtuq GN-kut piqutaini.
35. Avatiliqutinut Tipaakuq Puya Havavikmi Maligait tapkununga *Hivuganaitnit Piquyat*
36. Havavikmi Aaniaqtailiniq Hivuganaitniq Maligait tapkunani *Hivuganaitnit Piquyat*
37. Uyagakhiuqvikmi Aaniaqtailiniq tapkuatlu Hivuganaitnit Maligait tapkunani *Uyagakhiuqvikmi Aaniaqtailiniq tapkuatlu Hivuganaitnit Piquyat*.
38. Nunaliuyuni Maligagalat – Nalvauyut tapkunani aalatqini nunaliuyut maligaitnut tipaakuq atuqtaunia inungnut upaktautaqtuni

TUGAQVIKHAT

39. Uingaigami tuhaqpaligiamiluniit, tugaqvigilugu:
Hivuliqt, Havaktuligiyi Havatlu Naunaiyaqni



Building Nunavut Together

Havaktuligiyit Makpiganga

Nakataani 1005: Tipakurtuqnaittuq Havakvik

Timinga Kiinauyaliqiyikkut
Iqaluit, Nunavut
975-6211